

Govor članice Stalnog izaslanstva Parlamentarne skupštine BiH u Parlamentarnoj skupštini Vijeća Europe Milice Marković na redovitom zasjedanju PS Vijeća Europe u okviru debate o poštivanju obveza i angažmana od strane Bosne i Hercegovine

Strazbur, 30. rujan 2008.

"Gospodine predsjedniče, drage kolege

Dozvolite mi da iznesem svoje primjedbe na izvještaj o obavezama i dužnostima BiH koji su pripremili gospoda Mevlut Cavasoglu i Kimo Sasi. Ovaj izvještaj je treći po redu otkako je BiH postala zemlja pod monitoringom Parlamentarne skupštine Vijeća Evrope. Mogu reći da je ovaj izvještaj veoma kompleksan materijal u kome ima mnogo konstatacija sa kojima se mogu složiti ili ne. Uopšte, u izvještaju ima mnogo netačnih navoda koji imaju za cilj promociju pojedinačnih političkih stavova pojedinih etničkih grupa u BiH, a ne objektivno predstavljanje ostvarenog napretka u uspotavljanju evropskih demokratskih standarda, vladavine prava i poštovanje ljudskih prava u BiH.

Drugi netačan navod jeste da su koizvjestioci u ovom izvještaju predstavili Republiku Srpsku kao primjer opstrukcije dok im je promaklo da navedu bilo koju od više pozitivnih reformi ili konstruktivnu saradnju Republike Srpske kao: napredak u saradnji sa Haškim tribunalom, usaglašavanje zakona u oblasti obrazovanja, reformu odbrane i policije, reformu lokalne samouprave, izbornu legislativu, povrat imovine kao i spremnost političara iz RS da podrže paket ustavnih reformi iz aprila 2006. Istakli su da je za brojne reforme u BiH glavni uslov reforma ustava. Ali treba reći da napredak u ustavnim reformama nije ostvaren zbog odsustva podrške određenih bošnjačkih političkih partija predvođenih gospodinom Harisom Silajdžićem kao liderom Stranke za BiH. Umjesto da istaknu tu činjenicu, u izvještaju se samo napominje retrorika premijera RS, gospodina Milorada Dodika. Koizvjestioci postavljaju kao problem situaciju u kojoj, na direktan poziv bošnjačkih partija da se rasturi Dejtonski mirovni sporazum, RS odgovara da ima pravo da održi referendum o samoopredjeljenju. Također, u izvještaju je izneseno vjerovanje da se u BiH ne može ostvariti stabilnost i evropske integracije ukoliko se ne reformišu Dejtonski ustav.

Ovi zaključci otežavaju situaciju u BiH i ne doprinose procesu očekivanih reformi. Na kraju, treba znati da je BiH složena država sastavljena od dva entiteta i tri konstitutivna naroda. Ona nije jedina složena država u svijetu. Zbog toga sadašnji ustavni sastav ne treba da bude prepreka njenoj stabilnosti i evropskim integracijama. Faktori stabilnosti u BiH su podjednako njeni organi i institucije vladi, oba entiteta i sva tri konstitutivna naroda. Svako narušavanje osnovne koncepcije koja je potvrđena u Ustavu BiH, bez koncenzusa sva tri naroda, otvoriće novu krizu u BiH sa nesagledivim posljedicama. Ovo bi bile moje primjedbe na izvještaj. Moje primjedbe na rezoluciji iznijecu putem amandmana koje sam već dostavila i očekujem da o njima glasamo“.

(kraj)